

ქობულეთის მუნიციპალიტეტის ბალანსზე რიცხული ავტომობილების ავტო-ტექნიკური
მომსახურების შესყიდვა გამარტივებული ელექტრონული ტენდერის საშუალებით

50100000 - სატრანსპორტო საშუალებებისა და მათთან დაკავშირებული მოწყობილობების
შეკეთება, ტექნიკური მომსახურება და მასთან დაკავშირებული მომსახურებები

სახელმწიფო შესყიდვების ერთიან ელექტრონულ სისტემაში შესყიდვის პროცედურები
ხორციელდება „სახელმწიფო შესყიდვის შესახებ“ საქართველოს კანონის და „გამარტივებული
შესყიდვის, გამარტივებული ელექტრონული ტენდერისა და ელექტრონული ტენდერის ჩატარების
წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7
აპრილის №9 ბრძანების შესაბამისად. (იხ. <http://procurement.gov.ge/>)

ქ. ქობულეთი
2013 წელი

ტექნიკური დავალება

შესყიდვის ობიექტი: ქობულეთის მუნიციპალიტეტის ბალანსზე რიცხული ავტოსატრანსპორტო საშუალებების ტექნიკური მომსახურება/შეკეთება.

მომსახურების გაწევის ვადები – ხელშეკრულების გაფორმებიდან 2013 წლის 31 დეკემბრის ჩათვლით ეტაპობრივად, შემსყიდველის მოთხოვნის შესაბამისად.

მომსახურების გაწევის ადგილი – ქობულეთის მუნიციპალიტეტის ტერიტორია.

დაფინანსების წყარო – 2013 წლის ქობულეთის მუნიციპალიტეტის ადგილობრივი ბიუჯეტი.

შესყიდვის ობიექტის სახელშეკრულებო ღირებულება შეადგენს: 37580 (ოცდაჩვიდმეტიათას ხუთასოთხმოცი) ლარს.

პრეისკურანტის სავარაუდო ღირებულება შეადგენს: 103769 (ასსამიათას შვიდასსამოცდაცხრა) ლარს.

- აუცილებელი პირობა:

1. ავტოსატრანსპორტის მომსახურება უნდა განხორციელდეს მომწოდებელსა და შემსყიდველის წარმომადგენლების მიერ თითოეულ კონკრეტულ შემთხვევაში ავტოსატრანსპორტო საშუალების დეფექტური აქტის შედგენის შემდეგ.
 2. პრეტენდენტს ქობულეთის მუნიციპალიტეტის ტერიტორიაზე ექსპლუატაციაში უნდა გააჩნდეს ყოველდღიურად (გარდა კვირა დღისა) არაუგვიანეს 10:00 სთ-დან არანაკლებ 18:00 სთ-მდე მოქმედი სერვის ცენტრი და მინიმუმ 3 ბოქსით.
 3. მომსახურება მიმწოდებლის მიერ გაწეული უნდა იქნეს სრულად საკუთარი მასალით/სათადარიგო ნაწილებით;
 4. პრეტენდენტის სერვისცენტრი დაკომპლექტებული უნდა იყოს მაღალკვალიფიციური სპეციალისტებით და აღჭურვილი უნდა იყოს შესაბამისი დანადგარებით.
 5. პრეტენდენტს უნდა გააჩნდეს ანალოგიური მომსახურების განხორციელების გამოცდილება.
 6. ტექნიკური მომსახურების დროს გამოყენებულ სათადარიგო ნაწილებზე და საცხებ-საპოხ მასალებზე უნდა ვრცელდებოდეს გარანტია შემდეგნაირად:
 - ძრავის ზეთზე – გარბენი მინიმუმ 6 000 კმ.
 - სათადარიგო ნაწილებზე – მინიმუმ 6 (ექვსი) თვე.
 7. საგარანტიო ვადის განმავლობაში მიმწოდებელი ვალდებულია დაუყოვნებლივ უსასყიდლოდ აღმოფხვრას აღმოჩენილი წუნი/დაზიანება.
 8. მომსახურება გაწეული უნდა იქნას შემსყიდველის მოთხოვნისთანავე ამასთან მომსახურების ვადა თითოეულ შემთხვევაზე არ უნდა აღემატებოდეს 4 სამუშაო დღეს.
- შენიშვნა:** თუ ავტოტექმომსახურება ეხება დეფიციტური სათადარიგო ნაწილით უზრუნველყოფას, შესაძლებელია მომსახურების გაწევის დრო გაიზარდოს არაუმეტეს 20 კალენდარულ დღემდე.
9. თუ მომსახურების პროცესში აღმოჩნდება რომ საჭიროა ისეთი მომსახურების და/ან სათადარიგო ნაწილის მიწოდება, რომლის ფასიც განსაზღვრული არ არის დანართი №2-ით, ასეთ შემთხვევაში შესაძლებელია შემსყიდველთან წინასწარი შეთანხმების საფუძველზე მიწოდებული იქნას საქონელი და მომსახურება, რომლის ფასიც არ უნდა აღემატებოდეს შესაბამისი მომსახურებისა და საქონლის საბაზრო ფასს.
 10. ფასები წარმოდგენილი უნდა იქნეს სატენდერო დოკუმენტაციის დანართი №2 ცხრილის შესაბამისად;
 11. პრეტენდენტმა მომსახურების გაწევის პერიოდში უნდა გამოიყენოს ახალი და არა მეორადი სათადარიგო ნაწილები.

12. პრეტენდენტის მიერ განფასების ცხრილის რომელიმე პოზიციის შეუვსებლობა გამოწვევს მის დისკვალიფიკაციას ტენდერიდან.

- სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის ა-ვ ქვეპუნქტებში განსაზღვრულ მოთხოვნებზე:

- ა) სატენდერო წინადადება ძალაშია მისი სისტემაში ატვირთვის დღიდან ტენდერისათვის „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ სტატუსის (ერთ-ერთი) მინიჭებამდე.
- ბ) ფაქტიურად გაწეული მომსახურების ღირებულების ანაზღაურება მოხდება არაუგვიანეს 10 (ათი) დღის ვადაში, შესაბამისი მიღება-ჩაბარების აქტის გაფორმებიდან და სათანადო დოკუმენტაციის წარმოდგენიდან.
- გ) წინასწარი გადახდის მექანიზმი არ გამოიყენება;
- დ) პრეტენდენტის მიერ წარმოდგენილი სატენდერო დოკუმენტაცია ხელმოწერილი უნდა იყოს უფლებამოსილი პირის მიერ.
- ე) შემოთავაზებული ფასი მოიცავს მომსახურების სრულყოფილად გაწევასთან დაკავშირებულ ყველა ხარჯს, მათ შორის კანონმდებლობით გათვალისწინებულ ყველა გადასახადსა და სათანადო ნაწილების ღირებულებას. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.
- ვ) შემსყიდველი არ არის ვალდებული შეისყიდოს გასაწევი მომსახურების ჩამონათვალში მოცემული ყველა მომსახურება.

პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- ა) ინფორმაცია კომპანიის რეკვიზიტების შესახებ (ორგანიზაციის ან ფიზიკური პირის დასახელება, იურიდიულ მისამართი, ტელეფონის/ფაქსის ნომერი, საბანკო რეკვიზიტები, ხელმძღვანელ(ებ)ის სახელი და გვარი) დანართი №1 შესაბამისად.
- ბ) ხარჯთაღიცხვა (პრეისკურანტი) დანართი №2 შესაბამისად.
- გ) ინფორმაცია სათანადარიგო ნაწილებისა და გასაწევი მომსახურების საგარანტიო ვადების და პირობების შესახებ.
- დ) ინფორმაცია ანალოგიურ სფეროში გამოცდილების შესახებ.
- ე) ინფორმაცია მატერიალურ ტექნიკური ბაზის შესახებ (უნდა მოიცავდეს ტექნიკური დავალების აუცილებელი პირობის მე-4 პუნქტში მითითებულ ინფორმაციას).

დამატებითი ინფორმაცია დაინტერესებულ პირებს შეუძლიათ მიიღონ შემდეგი პირისაგან – ზვიად ზოიძე – ტ. 577-74-69-69. მისამართი: ქალაქი ქობულეთი, დავით აღმაშენებლის გამზირი №141, ქობულეთის მუნიციპალიტეტის გამგეობის ადმინისტრაციული შენობა, მეორე სართული.

რეკვიზიტები

- პრეტენდენტის იურიდიული ფორმა და დასახელება
- საიდენტიფიკაციო კოდი/ ნომერი
- პრეტენდენტის იურიდიული და ფაქტიური მისამართი:
- ხელმძღვანელის სახელი, გვარი
- პრეტენდენტის ტელეფონის ნომერი: ☎ ტელ.: ; 🏠 ფაქსი.: ; 📱 მობ.: ;
- ელექტრონული მისამართი, E-mail:
- ბანკის დასახელება
- ბანკის კოდი
- ანგარიშსწორების ანგარიში

(პრეტენდენტის დასახელება)

(ხელის მოწერა და ბეჭედი)

3. ხელშეკრულება № _____

სახელმწიფო შესყიდვის შესახებ

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. ქობულეთი

2013 წელი

ერთი მხრივ, ----- (შემდგომში „შემსყიდველი“) წარმოდგენილი მისი -----
----- სახით და მეორე მხრივ, ----- (შემდგომში „მიმწოდებელი“) წარმოდგენილი მისი დირექტორის ----- სახით, სახელმწიფო შესყიდვების კანონის და მიმწოდებლის სატენდერო წინადადების საფუძველზე, სახელმწიფო შესყიდვების კანონის და მიმწოდებლის სატენდერო წინადადების საფუძველზე, SPA----- გამარტივებული ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ - SPA ----- გამარტივებული ელექტრონული ტენდერის სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

ქობულეთის მუნიციპალიტეტის ბალანსზე რიცხული სატრანსპორტო საშუალებების ტექნიკური მომსახურება/შეკეთება. (შემდგომში „მომსახურება“) დანართი #2-ის და ტექნიკური დავალების შესაბამისად.

3. ხელშეკრულების ჯამური ღირებულება

- 3.1. ხელშეკრულების ჯამური ღირებულება შეადგენს ----- ლარს.
- 3.2. ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 4.2. მიმწოდებელთან ანგარიშსწორება განხორციელდება მხარეთა მიერ ხელშეკრულებით გათვალისწინებული საქონლის მიწოდების შემდეგ ხელმოწერილი მიღება-ჩაბარების აქტისა და შესაბამისი საგადასახადო დოკუმენტაციის საფუძველზე.
- 4.3. მიმწოდებელთან ანგარიშსწორება განხორციელდება ეტაპობრივად მიღება-ჩაბარების აქტზე შემსყიდველის მიერ ხელმოწერიდან 10 კალენდარული დღის განმავლობაში.

5. საქონლის მიღება-ჩაბარების წესი

5.1. მომსახურება ჩაითვლება გაწეულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.

5.2. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს ----
-----.

6. საქონლის მიწოდების ადგილი და ვადა

6.1. მომსახურება განხორციელდება ტექნიკურ დოკუმენტაციაში მითითებულ მისამართზე.

6.2. მომსახურების მიწოდება განხორციელდება ხელშეკრულების გაფორმებიდან 2013 წლის 31 დეკემბრის ჩთვლით, ეტაპობრივად, შემსყიდველის მოთხოვნის შესაბამისად.

7. მხარეთა უფლება-მოვალეობები

7.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

7.2. შემსყიდველი ვალდებულია უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.3. მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.4. მიმწოდებელი ვალდებულია უზრუნველყოს მომსახურება სათანადო ხარისხით.

8. ხელშეკრულების შესრულების კონტროლი

8.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია მომსახურების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2. ხელშეკრულების 8.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს -----.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,5%-ის ოდენობით.

9.2. ხელშეკრულებით ნაკისრი ვალდებულებების არასრულად ან არაჯეროვნად შესრულების შემთხვევაში, მიმწოდებელი ჯარიმდება ხელშეკრულების ჯამური ღირებულების 5% ოდენობით.

9.3. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება

9.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.4. მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს

10.3 პუნქტით გათვალისწინებულ გადაწყვეტილების მიღების განზრახვის შესახებ

10.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოძწევი მიზეზების შესახებ.

13. ხელშეკრულების პირობების და ღირებულების გადასინჯვა

13.1. სახელმწიფო შესყიდვის შესახებ დადებული ხელშეკრულების პირობების შეცვლა არ დაიშვება, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

13.2. ხელშეკრულების პირობების ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

14. ხელშეკრულების ენა

14.1. ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაცივდება მხარეთა შორის, ფორმდება ქართულ ენაზე.

15. სხვა პირობები

15.1. ხელშეკრულება შედგენილია 5 ეგზემპლარად და თითოეულ მათგანს თანაბარი იურიდიული ძალა აქვს.

15.2. ხელშეკრულების ერთი ეგზემპლარი ინახება „მიმწოდებელთან“, ოთხი ეგზემპლარი – „შემსყიდველთან“

16. შესყიდვის ობიექტის სტანდარტები

16.1 ხელშეკრულების ფარგლებში გაწეული მომსახურების სპეციფიკაციები უნდა შეესაბამებოდეს სატენდერო წინადადებით წარმოდგენილ სტანდარტებს.

17. ხელშეკრულების მოქმედების ვადა ხელშეკრულება

ძალაში შედის - - - - - და მოქმედებს - - - - -.

მხარეთა რეკვიზიტები: